

南漳縣志

第一冊

D 144
22

地260.43
41
部三〇一六

1-2

1091531
Vol 1

南漳縣志

襄陽寶彙堂石印

南漳縣志

卷首

中華民國十一年

年歲壬戌重修

重修南漳縣志序

邑之有志由來尚矣然而當昇平之世士食舊德農服先疇珥筆者考古證今詠歌揄揚其事甚易若乃四方多難滿目風塵者老凋零斯文一綫縱有飽學之士亦惟有孤憤陳詞長歌當哭而欲蒐殘補缺以備千秋文獻之徵顧不難歟余游鄂北十載足跡所至二十縣迨徧若襄若房若鄖若鄧皆從政經年所至首詢志乘學朱文公至南康故事率皆斷簡殘編

南漳縣志

卷首

序

二

或孤本僅存或百年舊著近數十年可紀可傳之事概付闕如者多矣歲壬戌量移來漳詢輿圖則有新測之詳繪問縣志則編輯脫稿將付手民瀏覽大概考覈精詳詎非一大快事夫江漢沮漳全楚之望江漢縱貫數省惟沮漳為楚所獨有而皆導源於斯禹貢荊州首列荆衡二嶽而荆山即在境內則漳邑洵可謂鍾全楚山川之靈奇者矣過丁蘭之橋厥水可濯訪元直之里有田可耕珍泉之水懷珠抱璞之巖

韞玉當時水鏡風流德星咸集今雖時移代異人往
風微而俗尚儉勤衣冠古處中原當板蕩之秋四境
安絃歌之素斯時斯地可謂僅逢出此新編洵為鉅
製志局諸君子重加誦誦索及弁言余十年青瑣久
疏天祿之書一騎紅塵長鞅鳴琴之掌徒慚荒落莫
邃商量加以冬雪愆期禱祈乏術寸心耿耿午夜徬
徨將欲乙乙抽絲殊難憂憂獨造第以見異眼明未
忘結習益彰附驥樂署姓名用是走筆挑燈聊為惶

南漳縣志

卷首

序

三

引他日運會昌明人文鵲起則守先待後之功所係
亦豈淺鮮哉是為序

中華民國十一年仲冬月

簡任職存記并用六等文虎章 襄鄖鎮守使

署臨時執法官知南漳縣事熙湖殷良弼識



重修南漳縣志纂輯姓氏

監修

署理南漳縣知事包安保佑甫

署理南漳縣知事王以驤勁清

署理南漳縣知事張公度謹侯

署理南漳縣知事王松疇範九

署理南漳縣知事賀作霖雨亭

署理南漳縣知事饒國光松生

代理南漳縣知事孫鼎問梅

南漳縣志 卷首 姓氏 四

署理南漳縣知事殷良弼夢巖

鑒定

清長陽縣學教諭八旗官學漢教習恩貢 生郭傳烈子駿

留學日本弘文師範畢業清候選通判增 生馮開濟哲夫

總纂

清 增 生向承煜曉樓

協修兼測繪

清 廩 生周以官第棠

分修

留學日本法政大學畢業前當陽知事清增生沈維韓錦堂

清 增 生馮應千善夫

清 廩 生金高鵠丹丞

清 廩 生周以南斗一

兩湖 師範 學校 畢業 清附 生雷動之達人

留學日本弘文師範學校畢業清廩 生朱炳文子美

經理

留學日本信濃蠶業學校畢業清廩貢 生李煥南香山

總校

南漳縣志 卷首 姓氏 五

南 漳 縣 視 學任約海仲午

南 漳 縣 視 學汪應魁占岑

南 漳 縣 視 學康南星壽宇

南 漳 縣 視 學余祖培萬九

南 漳 縣 視 學龔茂峻瑞聯

南 漳 縣 警 佐董道鎔丹九

采訪

清 歲 貢 生陳厚方坤生

清 恩 貢 生劉宏冕南坡

清 附 生張懋昌子昭

清 附 生王輝烈席珍

清 附 生曾昭全 修三

清 附 生王啟鑑 槐亭

清 附 生馮應物 少章

清 附 生孫辛壬 精珊

清 附 生賴應龍 雲庵

留學日本信濃蠶業學校畢業清附 生鄭 璜 東周

支郡 師範 學校 畢業 清附 生曾昭燮 南陔

南漳縣志

卷首

姓氏

六

府 師範 學校 畢業 清附 生劉鍾秀 清澄

縣 師範 學校 畢業 生任慶昌 雲峯

文 中 學 校 畢業 生雷曉民 星九

縣 自 治 講 習 所 畢 業 生陳相湖 鸞山

募款

清 貽 封 朝 議 大 夫 貢 生馮宗儉 克齋

清 試 用 訓 導 廩 貢 生李玉珂 石岑

清 安 徽 候 補 知 縣 附 生張學鑄 金壽

清 湖 南 候 補 知 縣 監 生雷詠章 詩伯

清 候選府經歷 監 生周應楷 直卿

清 世襲雲騎尉 尉趙鴻錫 金如

清 歲貢 生曾紀祥 吉齋

清 貢 生馮宗恩 子惠

清 廩 生黃名姓 麗生

清 增 生樊煦堂 春泉

清 監 生羅在泮 芹圃

清 附 生王文郁 乾堂

銀行講習所畢業清監 生郭佳誠 次曲

南漳縣志 卷首 姓氏 七

留學日本弘文師範學校畢業清附 生胡聚奎 桐軒

清 孝廉方 正徐瓊林 竹軒

陸 軍 上 尉劉人權 巨支

分輯

清 廩 生蔡以闕 虞卿

清 附 生樊鑫堂 麗皋

留學日本弘文師範學校畢業清附 生陶价人 汝安

留學日本弘文師範學校畢業清附 生馮應田 新甫

兩湖師範學校畢業清附 生樊德堃 厚占

兩湖 師範 學校 畢業 清附 生羅光煜 斗垣

支郡 師範 學校 畢業 清附 生殷聖治 理卿

支郡 師範 學校 畢業 清附 生曾慶鏞 雨田

支郡 師範 學校 畢業 清增 生胡和賓 協丞

道 師範 學校 畢業 清附 生楊兆鈺 介丞

府 師範 學校 畢業 清附 生劉春榮 鵬皋

府 師範 學校 畢業 清附 生吳丙坤 煥堂

縣 師範 學校 畢業 清附 生楊念清 甫田

清 附 生郭世琚 後璞

清 附 生傅大沅 子堅

清 附 生何海清 澁如

法政 專門 學校 畢業 生李美煜 星垣

縣 師範 學校 畢業 生胡沛霖 津香

縣 師範 學校 畢業 生聶士俊 履吉

高等 小學 畢業 生王道明 子榮

分校

外國 語學 學校 畢業 生陸盛泉 伯廉

高等 商業 學校 畢業 生謝祖培 植生

南漳縣志

卷首

姓氏

第三師範學校畢業 生朱孔揚鳳嘴

第二師範學校畢業 生李良庚少泉

第一師範學校畢業 生羅光地星一

第二師範學校畢業 生王民藩朗軒

蠶業講習所畢業 生譚良材喬三

繕正

高等小學校畢業 生楊安壽松喬

錄稿

縣師範學校畢業 生金高鷺序丞

南漳縣志

卷首

姓氏

九

高等小學校畢業 生胡玉霖星三

高等小學校畢業 生王發育煦如

高等小學校畢業 生楊廣居善堂

會計

法政專門學校畢業 生王希璞琢甫

銀行講習所畢業 生廖明榮欣臣

南漳縣志例敘

南漳縣志明萬曆時舊本久無片楮存清乾隆庚申志草亦佚其見存者惟嘉慶癸亥所纂同治乙丑續訂之本而已迄今五十餘年適當民國之初故纂修亟焉茲蒐討舊聞裁酌義法謹依四庫地志書例凡為總目十曰輿地曰建置曰食貨曰學校曰武備曰藝文曰職官曰選舉曰人物曰宗教而以雜識殿焉計為子目五十有三為卷十有九總若干萬言別為序次如左

地志首重輿圖其次則沿革周官大司徒掌建邦土地之圖

南漳縣志

卷首

例敘

十

職方氏掌天下之圖土訓掌道地圖以詔地事司險掌九州之圖以周知山林川澤之阻圖之用視書尤切故地志嘗稱圖經一稱圖志第古法就湮志乘家莫喻其意晉裴秀作禹貢圖創分率準望諸法世亦不傳今仿胡氏涓顧氏祖禹計里開方之法並師虛空鳥道之說繪為總圖冠於簡端歷代沿革從光緒府志例為表以明之後列備考府志所未詳者不敢盲從蓋輿圖沿革為地志之根本沿革不明則引用多謬其他不可得而理也保章氏星土之說後儒未能遽信康氏海武功志不紀星野乾隆熱河志刪去此目創紀晷度湖

北輿地記易以天度日出入附焉次疆域道里附焉禹貢導山皆循山脈導水亦順水道郡縣志往往錯舉山川無脈絡可尋或以八景標題甚無謂也宋高似孫剡錄山水並仿水經注例脈絡井然平江李元度志山用山海經體志水用水經體明張鳴鳳撰桂勝以山水標目敘述引證各書於前隨事附考證於下乾隆滿洲源流考山水今古異名者皆詳為辨證其古有而今不可考者別為存疑附於末今並仿之惟增紀山川流峙之蹟道里遠邇之數暨水道一圖俾地理益臻明備山川之要厥惟險阻故形勢次之風俗與化推移物

產因時盈虛故又次之藩封之公侯名繫郡縣事殊茅土四庫提要言載之不為贅削之不為闕府志併入輿地較為允當古蹟肇端元和郡縣志府志於陵墓坊表悉附入之蓋用省志例也凡此各目統隸輿地門為輿地志第一建置一門府志謂最難議定康氏武功志例以官署學校及有司所興行皆建置之事明包節陝西行都司志謂學校祀典為建置大端四庫提要駁之曰自郡縣山川人物外無一不從建置起者能全附之建置乎舊志隸學校於建置中有如提要所譏而別立典禮志凡壇廟祭器樂舞諸目均牽連

得書蓋遵時王之制耳今自武廟改為關岳外其餘壇壝祠宇率無當時之祀自宜仍歸建置首城池次公署各為圖附於後次祠祀次鄉鎮坊市附堡砦附自治郵局古無而今有者以類相從水利有裨民事隄防津梁古者有司之責無所軒輊善堂哀矜無告為先政所不廢次於後義舉附馬總為建置志第二

食貨名志昉自班書唐杜佑通典八類食貨居其一凡田制賦稅戶口版籍算緡權酷常平義倉等目罔不該之豈非方志家之圭臬耶元袁稱四明志易為賦役舊志本之清雍正

南漳縣志

卷首

例敘

七

七年詔丁隨糧派後已無役可言下荆南道志光緒府志皆作食貨今從之而別為條其子曰戶口曰田賦曰雜稅關權附曰蠲卹曰倉儲為食貨志第三

學校之制今不同於古李氏平江志例謂上下數千年貫串該括志也實兼通史之體與專紀一代之史有別故仍仿宋常棠澌水志朱長文吳郡圖經續記例立學校專門首學宮學額附學田附宮圖附其禮節樂品今以無所祇遵暫付闕如次試院次書院經費附次義學次賓興童試各款附清末創建學堂民國改稱學校講演所教育會附學款類別夥頤

自為一目合為學校志第四

宋梁克家三山志有兵防一門施宿會稽志有討賊平亂二篇自後方志家沿立武事兵制通紀諸目雍正中續河南通志總為武備其例最善舊志有軍政一門紀駐防營伍及塘汛鋪遞前卷有紀事一類皆歷代兵事今刪紀事之目易軍政為武備首兵制糧械附塘汛附鋪遞附次兵事為武備志第五

班孟堅刪七略之要創著藝文後世史家株守成法方域志乘踵起仿效不當濫及篇什前人辨之詳矣今遵用其例惟

南漳縣志

卷首

例敘

三

錄作者書名條紀卷數間撮其序言暨提要評語於下以時先後為次至於記序題詠之詩文有神掌故者仍用范石湖吳郡志例以雙行細字分注於各門之中金石之學盛於近代元徐碩嘉禾志僅詳碑碣漳無金而石亦夥茲擇其著者附焉為藝文志第六

康氏武功志之著官師韓邦靖朝邑志之傳名宦趣異而旨同馬文煒志安邱秩官俱列為表陸氏隴其靈壽志乃併為一門著錄名宦於秩官之中深得對山五泉遺意近代志乘多仿漢書百官公卿表循吏傳例而稍變其貌與陸氏之旨

合而眉目朗列今從之首歷代職官武職附次官績為職官志第七

選舉之法由來尚矣新唐書始輯為選舉志宋馬端臨作選舉考分舉士舉官兩門以該之俱不列名方志表而名之蓋用宋羅願新安志進士題名例也府志引省志例制科中不列孝廉方正而稍變通之以曾經錄用者為斷其未與考而實有可傳者謂自有人物列傳在今增學階一目亦仿其例以得清獎階及考取民國文官者為限餘如故曰薦辟曰進士曰舉人曰貢生曰武科曰學階軍學附曰仕籍曰武職封

南漳縣志

卷首

例敘

古

贈附廢襲附議員出自民選與舊制迥殊綴於末壽民附為選舉志第八

史有列傳一代之人物具焉方志踵而效之則自宋樂史太平寰宇記始也隋書經籍中張方楚國先賢傳贊鍾離岫會稽後賢傳記習鑿齒襄陽耆舊記徐整豫章烈士傳及唐藝文中江敞陳留人物志等書實已開方志之先例明汪舜民徽州府志分人物為十四類四庫提要謂其煩碎光緒府志於歷代人物不分子目而別著忠義錄頗得紀載官書之法今忠義不能自成一帙仍仿史例首為列傳以該之約分忠

義孝義兩子目繫於後方技附流寓附錄不及存者古今史乘之通例也次列女壽婦附為人物志第九

寺觀一類最難隸屬明陳大綬饒州府志歸於秩祀四庫提要駁之曰二氏非秩祀也其建自唐宋者應敘於古蹟陸氏靈壽志削寺觀不錄以為闢邪崇正會稽章志誠議其迂著論甚辨郭棊廣東通志仙釋寺觀俱列之外志然其時僅有二氏之居耳今之基督教徒與二氏同屬外來宗教其堂林立不可併入古蹟亦應識其原始爰本郭氏之意仿范書夷蠻鮮卑殿於列傳後之例創立宗教一門首寺觀次教堂為宗

南漳縣志

卷首

例叙

十五

教志第十

總此十志文省於舊事增於前包舉目類獨遺祥異者以地志非國史比不當援五行之例且推步日精知無關於徵應也諸志之外舊皆有雜識一門或曰雜錄或曰雜記凡遺聞瑣事及無類可歸者胥入之府志芟其榛蕪別為志餘體例較為簡潔茲以唐書藝文不廢雜家裨官叢談足廣異聞故仍為雜識殿於十志之後附以祥異從府志例也

南漳縣志例目

輿地志一

卷第一

輿圖

沿革

天度 日出入附

疆域 道里附

輿地志二

卷第二

山脈

輿地志三

卷第三

南漳縣志

卷首

例目

十六

水道

輿地志四

卷第四

形勢

風俗

物產

藩封

古蹟 陵墓附 坊表附

建置志一

卷第五

城池